

S2651-7

897

胃腑方

胃腑脈論
反胃
嘔吐噦逆

胃虛實
噎塞

喉龍論
脹滿

千金方衍義 十九



孫真人千金方衍義卷十六

長洲張璐路王著

南沙席世臣鄂客校

胃腑方 凡八類

△胃腑脈論第一 論一首

論曰胃腑者主脾也口脣者是其候也脾合氣於胃胃者水穀之腑也號倉庫守內畜吏重二筋十四兩迂曲屈伸長一尺六寸大一尺五寸徑五寸受水穀三斗五升其中當畱穀二斗水一斗五升廣胲大頸張胸五穀乃容而滿上焦泄氣出其精微慄悍滑疾



南京中醫藥大學圖書館藏

下焦下溉泄諸小腸此腸胃所受水穀之數也平人
則不然胃滿則腸虛腸滿則胃虛更滿更虛氣盈上
下五臟安定血脈和利精神乃居故神者水穀精氣
也五臟不足調於胃故腸胃之中當留穀二斗四升
水一斗一升故人一日再至後甲乙後二升半一日
中五升七日五七三斗五升而留水穀盡故平人不
飲不食七日而死者水穀精氣津液皆盡故七日而
死矣

右手關上陽絕者無胃脈也若吞酸頭痛胃中有冷
刺是太陰治陰在足大指本節後一寸



右手關上陽實者胃實也若腸中伏伏一作不思食

得食不能消刺足陽明治陽在足上動脈脈浮而

浮則爲陽芤則爲陰浮芤相搏胃氣生熱其陽則絕

跌陽脈浮大者此胃家微虛煩固必日再行動作頭

痛重熱氣朝者屬胃

胃脈搏堅而長其色赤當病折髀其栗而散者當病

食痺髀痛病先發於胃脹滿五日之腎小腹腰脊痛

脛痠三日之膀胱背脊筋痛小便閉五日上之心脾

心痛閉塞不通身痛體重靈樞云三日不已死冬夜

半後夏日映胃病者腹脹胃脘當心而痛上支兩



脇、膈咽不通、飲食不下、下取三里、

飲食不下、膈塞不通、邪在胃脘、在上脘則抑、

在下脘則散而去之、

胃脹者、腹滿、胃脘痛、鼻聞焦臭、妨於食、大便難、

胃瘧令人旦病也、善飢而不能食、食而支滿、腹大刺、

足陽明太陰橫脈出血、

胃中有癖、食冷物者、痛不能食、食熱則能食、脾前受

病移於胃、脾咳不已、嘔吐長蟲、

厥氣客於胃、則夢飲、

診得胃脈、病形何如、曰、胃脈實則脹、虛則洩、脾應肉



南京中醫藥大學

圖書收藏 版權所有

脘肉脘堅大者胃厚肉脘磨者胃薄肉脘小而磨者
胃不堅肉脘不稱其身者胃下胃下者脘約肉脘不
堅者胃緩肉脘無小果累標緊者胃急肉脘多小果
累者胃結胃結者胃土腕約不利

扁鵲云足太陰與陽明爲表裏脾胃若病實則傷熱
熱則引水漿常渴虛則傷寒寒則芒飢常痛發於風
水其根在胃先從四肢起腹滿大通身腫方見治水

篇中

胃絕不治五日死何以知之舌腫溺血大便赤泄

足陽明之脈起於鼻交頰中旁約大腸之脈下循鼻

外上入齒中、還出俠口環唇、下交承漿、却循頤後、廉出大迎、循頰車、上耳前、過客主人、循髮際、至額顙、其支者、從大迎前下、人迎、循喉嚨、入缺盆、下膈、屬胃、絡脾、其直者、從缺盆下、乳內廉、下俠臍、入氣衝中、其支者、起胃口、下循腹裏、下至氣衝中、而合以下髀關、抵伏兔、下膝、入臄中、下循胫、外廉、下足跗、入中指內間、其支者、下膝三寸而別、以下入中指外間、其支者、別跗上、入大指間、出其端也、動則病悽悽振寒、善伸數欠、顏黑、病至惡人、與火聞木音則惕然而驚、心欲動、獨閉戶牖而處、甚則欲上高而歌、棄衣而走、責襪

腹脹是爲胃厥是主血所生病者狂瘧溫淫汗出衄
衄口喎唇緊頸腫喉痺大腹水腫膝臄腫痛循膺乳
氣衝股伏兔胛外廉足跗上皆痛中指不用氣盛則
身以前皆熱其有餘於胃則消穀善飢溺色黃氣不足則
身以前皆寒慄胃中寒則脹滿盛者則人迎大三倍
於寸口虛者則人迎反小於寸口也

△胃虛實第二

脈二首 方三首 灸法一首

胃實熱

右手關上脈陽實者足陽明經也病苦頭痛脈經作腹中堅

熱痛面汗不出如溫瘧唇口乾善噦乳癰缺盆腋下腫

痛名曰胃實熱也

瀉胃熱湯方

梔子仁

射干

升麻

茯苓

各三兩

芍藥

四兩

白朮

五兩

赤蜜

生地汁

各一升

右八味咬咀以水七升煮取三升半去滓下地黃

汁煮兩沸次下蜜煮取三升分三服老少以意量

減

衍義

瀉熱反用白朮可見瀉胃之熱而非瀉胃之實也

方用升麻專走陽明開發胃熱地黃滋陰退陽赤



南京中醫藥大學圖書館藏

蜜和胃解毒射干散腹中結氣梔子仁滋胃中熱
氣芍藥治邪氣腹痛茯苓守五臟正氣而佐白朮
除熱消食之功祛邪養正全賴苓朮之力耳

胃中熱病

灸三里三十壯穴在膝下三寸

胃虛冷

右手關上脈陽虛者足陽明經也病苦脛寒不得臥

惡風寒灑灑目急腹痛虛鳴

外臺作耳虛鳴

時寒時熱唇口

乾面目浮腫名曰胃虛冷也

補胃湯

治少氣口苦身體無澤方

柏子仁

防風

細辛

桂心

橘皮

川芎

吳茱萸

人參

甘艸

右九味咬咀以水一斗煮取三升分爲三服

^{衍義}

胃中虛冷而用萸桂甘橘之屬人所同然至於防

柏芎辛祛風逐濕等味非深達土中瀉木之義范

然不解何意也

人參散 補胃虛寒身枯絕諸骨節皆痛方

人參

甘艸

細辛

麥冬

桂心

當歸



乾薑 二兩

遠志 一兩

吳茱萸 二兩

川椒 三分

右十味治下飭食後溫酒服方寸匕

衍義

胃氣虛寒而用參甘薑桂椒萸志辛辛溫散

人所其喻其外當歸麥冬一以主身枯骨痛一以

滋諸味辛燥也。

△喉嚨論第三 論一首

論曰喉龍者脾胃之候也主通利水穀之道往來神

氣若臟熱喉則腫塞氣不通烏髮膏主之 方見第六卷中若

腑寒喉則耿耿如物常欲窒癢痺涎唾母薑酒主之



方見第
六卷中
熱則開之、寒則通之、不熱不寒、依臟調之、

△反胃第四

脈二首
灸法三首

方十三首

寸緊尺濇、其人胸滿不能食而吐、吐止者為下、
不能食、設言未止者、此為胃反、故尺為之微濇、

跌陽脈浮而濇、浮即為虛、濇即傷脾、脾傷即不磨、朝
食暮吐、暮食朝吐、宿穀不化、名胃反、跌陽脈緊而濇、
其病難治、

治胃虛反食下喉便吐方

人參 一兩

澤瀉

甘艸

桂心 各二兩

橘皮

乾薑 各三兩



茯苓 四兩

竹茹 五兩

大黃 六兩

右九味咬咀以水八升煮取三升一服七合日三夜一已利者去大黃

衍義

反胃皆由胃虛穀氣留泊蘊為濁濕阻積於中所

以飲食隨之上逆故用大黃甘艸湯領之下達加

參薑以助二味之力并取五苓散中之三降泄水

逆於下橘皮竹茹開發痰氣於上也

治胃反吐逆不消食吐不止方

人參

桂心

澤瀉 各二兩

茯苓 四兩

橘皮

甘艸

黃芪

各三兩

大黃

一兩半

生薑

八兩

半夏

一升

麥冬

三升

右十一味咬咀以水一斗二升煮取三升二

服八合日三夜一羸人六合已利去大黃

衍義

前以濁濕內蘊故用金匱大黃甘艸湯祛之下達

此以痰飲上逆故用金匱小半夏湯豁之內通前

以人參佐大黃蕩滌之力此以大黃佐半夏開發

之功前以竹茹橘皮佐乾薑人參開發於上此以

麥冬黃芪佐茯苓桂心通調於下皆因勢利導之

法



治反胃而渴方

茯苓

澤瀉

半夏

各四兩

桂心

甘艸

各二兩

右五味咬咀以水五升煮取二升分三服

入生薑四兩

衍義

胃反而渴良由水逆阻遏津氣遊溢之道故南陽

主以五苓利水通津其渴自止此以痰涎挾水飲

上逆乃以甘艸半夏易猪苓白朮但取三味利水

足矣

治胃反朝食暮吐食訖腹中刺痛此由久冷方



橘皮 三兩

甘艸

厚朴

茯苓

桂心

細辛

杏仁

竹皮

各二兩

檳榔

十枚

箭胡

八兩

人參

一兩

生薑

五兩

右十二味咬咀以水一斗三升煮取三升分為三

服一方有柑皮二兩

衍義

穀入則痛胃氣雖虛尚能與邪交迸所以激痛如

刺其食停留經日乃吐脾氣雖衰尚有濁氣阻逆

不得作純虛例治故用細辛桂心破結氣杏仁前

胡降逆氣厚朴檳榔泄滯氣生薑橘皮逐痰氣人



南京中醫藥大學圖書館藏